




KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 1, No. 12

website: www.geocities.com/navaldiocese

Hulyo 2005



Most Rev. Filomeno G. Bactol, D.D.

Mensaje

Usa sa nga panuyo sa Gagmay'ng Kasilinganang Simbahan mao ang pagmugna ug katilingban diin ang mga managsilingan nagkainilhanay diha ni Kristo. Kay diha sa pag-ilhanay sa

usag-usa motubo ang paghigugmaay. Kay dili ba imposible ang pagmahal sa tawo nga wala nimo ikaila?

Ang kada semana nga selda prayer meeting mao ang gihimo nga pamaagi aron magkahimamat ug magkailhanay gayud ang managsilinganan. Pagkanindot kaayong palandungon ang managsilingan nga nagkahiusa ug nagkahigugmaay diha kang Kristo Hesus. Niining paagiha nahimong simbahan kini nga katilingban tungod kay buhi man ang Dios taliwala nila. Ang mga pader ug taas nga mga bakod dili na babag sa paghimamatay kundili nahimong simbolo sa kadaugan sa managsilingan sa pagpatunhay sa diwa sa usa ka tinuod nga Simbahan.

Kami nga inyong mga kaparian nga tinugyanan sa Dios niini nga mga katilingban nagkauyon sa pagduaw sa mga selda prayer meetings aron usab paghimamat kaninyo diha sa inyong pagkatigum. Kay hingyap usab namo nga mahimamat kamo sa mas suod nga paagi aron mas molawum pa ang atong panag-uban diha sa pagtuo. Hingyap namo nga malig-on ang atong katilingban diha ni Kristo pinaagi sa lawum nga pag-ilhanay sa matag-usa aron tinuoray gayud nga nahiusa kita diha kang Kristo ubos sa mando sa Iyang Krus.

Gipanghinaut namo nga ang mga Gagmay'ng Katilingbang Simbahan magpadayon diha sa kadasig sa pagmugna ug mga katilingban nga angayan gayud ug makapahimuot sa Dios. Hinaut pa unta nga ang among pagpaningkamot pagduaw kaninyo magdugang sa inyong kadasig ug magpalig-on sa atong pagtuo nga maoy magdala kanato sa pagkamakanunayon diha sa atong Simbahan ug kang Kristo Hesus.

Ang Ginoo magpanalangin kaninyo.

Bishop FILOMENO G. BACTOL, D.D.
ug mga Kaparian sa Naval



PAMALANDONG SA EBANGHELYO

Hulyo 3, 2005: Ika-14 nga Domingo "sulod sa tuig"
Basahon: Zecharias 9:9-10 / Roma 8:9,11-13/
Mateo 11:25-30

Tema:

Napakyas ang misyon ni Jesus didto sa mga dakbayan sa Galilea. Bisan pa man sa mga milagro nga iyang gihimo didto, wala dawata si Jesus sa mga taga-didto. Sa makausa pa, nag-ampo siya aron pagsuta sa laraw sa iyang Amahan, aron pagpadayag sa iyang kaayo ug aron pagbutyag pag-usab uban ang malanog nga pagdayeg sa kalipay sa mga kabus.

Gikan sa kabahandianon sa Kasulatan, si Jesus mikutlo ug miawit og imno sa pagdayeg alang sa iyang Amahan. Ang iyang binag-ong panglantaw nagpadayag sa kamatuoran sa kaluwasan nga gitago gikan sa mga maalamon ug sa mga larino apan gibutyag ngadto sa mga mapaubsanon nga nagmasinugtanon kaniya. Dinhi niining kadayganan, walay makatupong sa papel nga gidala ni Jesus tungod kay sa iyang pagka-Anak sa Dios gipalambo ug gisulayan kini diha sa pag-ampo. Siya mao gayod ang Anak.

Siya lamang ang nasayod sa kinaiya sa Dios isip Amahan, ug siya lamang maoy makatudlo sa iyang mga tinun-an mahitungod niining misteryo sa gugma.

Ang kahiusahan sa Anak ug sa Amahan gipadayag diha sa pag-ampo ni Jesus. Ang matag Kristiyano gitawag sa pag-apil niining maong pag-ampo. Sa atong pag-ampo hiniusa kang Jesus, gitugotan ta ang Espiritu aron siya maoy moampo sulod kanato pinaagi sa pag-ukab sa atong kaugalingon ngadto sa presenya sa Dios. Kini maoy naghimo kanatong mga anak nga andam motuman sa kabubut-on sa Dios ug andam mosud-ong uban

kang Jesus sa mga katingalahang buhat sa diosnong grasya.

Pamalandongi kini:

1. Kumusta man ang imong kinabuhi sa pag-ampo?
2. Giunsa man nimo pag-ampo?
3. Gitugotan mo ba ang Espiritu Santo aron siya maoy moampo sulod kanimo?
4. Sa imong pag-ampo nasinati mo ba ang presenya sa Dios?

Hulyo 10, 2005: Ika-15 nga Domingo “sulod sa tuig”
 Basahon: Isaias 55:10-11/ Roma 8: 18-23 / Mateo 13:1-23

Tema:

Sa iyang paggamit og sambingay, wala magpasiugda si Jesus og binag-ong paagi sa pagwali ngadto sa mga katawhan sa iyang panahon. Ang Karaang Kasabutan ug ang ulahing mga sinulat sa mga magtutudlo sa tinuohang Judio naggamit niining maong paagi sa pagpanudlo. Ang unod, ug dili ang paagi sa pagwali ni Jesus, maoy nakapahingangha sa mga namati kaniya. Gamhanan man god siyang nanudlo mahitungod sa nagsingabot nga gingharian sa langit. Mao na nga gikinahanglan ang pagkabig ngadto sa Ginoo.

Si Jesus wala lang mogamit og sambingay aron pagsagop sa unsay komun nga paagi sa pagpanudlo niadtong panahona. Apan pinaagi sa mga hulagway nga iyang gigamit nakabati kita sa mensahe, nakasabot kita sa kahulugan niini ug nahiapil kita niini. Ang matag ebanghelista nagsaysay sa kaugalingon nilang paagi sa hinungdan sa ilang paggamit og sambingay. Alang kang San Mateo,

ang pagsabot sa mga sambingay nagkinahanglan og kasingkasing nga ukab sa diosnong pagpadayag sa ingon andam kining mohubad sapulong ngadto sa buhat bisan pa man sa mga pagsupak ug sa kapildihan.

Dihay mga higayon diin ang tanang butang daw nagpugong kanato sa pagpamati sa ebanghelyo ug sa pagtuo sa unsay umaabot. Sulod sa duha ka libo ka tuig ang magpupugas nagsabod. Gani usahay matintal man kita sa pagpangutana kon unsay nadangatan niining maong pagsabod. Hinoon ang atong tukmang tubag sa walay puas nga kamanggihatagon sa Dios anaa unta diha sa atong pagbaton sa pulong nga atong nadungog ug diha sa atong pagtugot nga ang maong pulong mosakmit kanato sa ingon magmabungahon kini sa atong kinabuhi.

Pamalandongi kini:

Ukab ba ang imong kasingkasing sa pagbaton sa diosnong kapadayaganan?


Nagmabungahon ba ang Pulong sa Dios nga imong nadungog?

Unsa man ang nahimong babag sa pagpalambo sa Pulong sa Dios diha sa imong kinabuhi?

Hulyo 17, 2005: Ika-16 nga Domingo “ sulod sa tuig”
 Basahon: Kinaadman 12:13,16-19 / Roma 8:26-27 /
 Mateo 13:24-43

Tema:

Gipakaingon sa Kristohanong Katilingban nga ang Simbahan alang lamang niadtong mga hingpit. Kini mituaw tungod kay hataas kaayo ang kasantos nga ilang gimithi. Gani alang kanila ang pagbuntog sa dautan nagkahulugan man sa pagpukan sa



KATILINGBAN
Ang opisyal nga mensahero sa Basik Espiritual Community (BEC) sa parokya sa Makil

TEAM MINISTRY

Team Moderator: Bishop Filomeno G. Bactol, D.D.

Team Members: Fr. Marvyn A. Maceda
 Fr. Benjamin C. Pantas
 Fr. Jesus G. Ty
 Fr. Kenneth Hendricks
 Fr. Dario Bebillo
 Fr. Bing Colasito

Editor:
 Alfredo Paghubasan

Writers/Researchers:
 Salvador Castro Reymund Icaín
 Ramises Bongabong Linda Roldan
 Eudoxia Canonoy Necitas Casado
 Catalina Machete Gualberto Tonelete

Encoders:
 Vinna Sabroso Sonia Pitao
 Josephine Romero

Circulation Managers:
 Jorge Manco
 Danilo Jayubo
 Jonnel Quilaneta
 Alfredo Olaer

Business Managers:
 Rizalito V. Curso
 Conchita Calvez

Computer Specialist
 Oscar O. Borrinaga

mga makasasala. Daghang mga gubat ang nahitabo tungod lang sa gitawag og Kristohanong pagminatarong. Si Santiago ug si San Juan mismo buot nga ang Ginoo momando aron ulana'g kalayo ang mga Samaritano nga wala moabiabi kanila (Lucas 9:54)

Apan ang Dios nga may gahum sa pagpukan sa mga dautan nagmando hinoon diha sa kalumo ug sa kaaghop. Sa iyang mga samingay mahitungod sa gingharian, nagtudlo si Jesus sa iyang walay pailob nga mga sumusunod nga ang Ginoo sa ani man mihatag og pagtagad sa pagtubo sa trigo kay sa pag-ibot sa mga sagbot. Moabot ra ang panahon diin bulagon ang mga sagbot gikan sa trigo aron sunogon. Apan dili pa karon ang maong panahon.

Sa mga pagbasa karong adlawa ang Dios sa gingharian nagtawag sa mga sulugoon aron pag-ambit sa kamapailobon sa Ginoo sa gingharian. Imbis igugol nato ang atong kusog sa pagpangita ug pagpukan sa tanang dautan, kita giaghat hinoon sa pagpalambo sa tanang maayo nga anaa sa kalibutan. Ang pagpalambo sa unsay maayo mao na mismo ang paagi sa pagbuntog sa dautan.

Pamalandongi kini:

1. Ikaw, dali bang makakita o makaalinggat sa kaayo nga anaa sa kalibutan?
2. Unsa may imong gihimo aron mapalambo ang gingharian?
3. Ikaw nakakat-on ba sa kamapailobon sa Ginoo sa gingharian?

Hulyo 24, 2005: Ika-17 nga Domingo "sulod sa tuig"
Basahon: 1Hari 3:5,7-12/ Roma 8:28-30/ Mateo 13:44-52

Tema:

Daghan ang mopusta sa *casino* og *lottery* kay nagdahum man sila nga basin na lang makadaug sa ingon madatu sila sa walay paghago. Hinumdomi nga ang kahigayonan nga gihatag sa tibook natong kinabuhi ug ang wala damhang kahigayonan mao baya ang pagkaplag sa gingharian sa langit diha kang Jesus. Aron maangkon nato kanang maong bahandi kinahanglan dili kita managana. Hinoon ibaligya ta ang tanan nga atong gihuptan aron

mapalit nato kanang gingharian nga nagtangag sa saad sa mas dako ug mas bililhong bahandi. Alaut sila nga miisip niini nga kinabuang lamang kay mao baya kini ang matuod nga kaalam, ang pagpangita ug ang pag-ila sa matuod nga bahandi. Kon pananglit nahanaw ang gingharian, aduna ka bay bag-ohon sa imong kinabuhi? Kon wala kay nakit-an nga imong bag-ohon kana tungod kay wala ka may gi-risgo alang kang Cristo ug sa Gingharian.

Ang kinabuhi nga girisgo alang kang Cristo ug sa gingharian mao baya ang gipangayo nga kinahanglan buhaton sa dihang gibunyagan kita. Ang pagkinabuhi diha sa katilingban, ang panginabuhi, bisan ang pagpuyo sulod sa panimalay adunay kinutoban. Ang pagkinabuhing Kristohanon lamang mao ang walay kinutoban. Ang pagkinabuhi alang kang Cristo mao untay mopatigbabaw labaw sa uban pang mga hinungdan sa atong kinabuhi. Alang kaniya nga buot mosunod kang Cristo, kinahanglan magbaligya sa tanan ug magdumili sa bisan dyotay nga pagpakaaron-ingnon o pagpailin-ilin.

Ang pagbaligya sa tanan tungod ug alang kang Cristo wala baya magkunhod sa kagawasan. Ang sakripisyo ug ang di-pagpanumbaling sa mga butang materyal maoy hinungdan nga gikinahanglan aron kita mahiusa ngadto kang Jesus kay diha kaniya ana ang tanang bahandi sa kaalam ug sa kahibalo. Labaw kay sa bisan unsang hinungdan, si Jesus nagpukaw sulod kanato nianang mas dakong kalipay, ang tanang kalipay sa kalibutan: ang kalipay tungod kay nakaplagn nato ang kahulugan sa kinabuhi, ang kalipay tungod kay nakit-an nato ang atong kaugalingon nga nahalambigit niining panaw sa kasantos.

Pamalandongi kini:

Diha sa imong kinabuhi unsa may imong girisgo alang kang Cristo ug sa Gingharian?

COMPLIMENTS FROM:

NAVAL COUNTRY INN

"Your home away from home"

&

AC TOWN CENTER

Hulyo 31, 2005: Ika-18 nga Domingo “sulod sa tuig”
Basahon: Isaias 55:1-3 / Roma 8:35,37-39/Mateo 14:13-21

Tema:

Ang pagkamanggihatagon sa mga disipulo – gipanghatag nila ang pipila ka pan ug isda – nakapaaghat sa mga tawo a pagpaambit usab sa ilang pagkaon ngadto sa uban. Unsaon man nimo paghimo’g posible sa maong milagro diha sa imong kinabuhi? Nianang paagiha mahimo ikaw nga tipik sa kasulbaran sa suliran sa gutom dinhi sa kalibutan.

“*Unya ghipos sa mga tinun-an ang sobra nga nakapuno og napulog-duha ka bukag.*” Ang Dios mohatag kanunay og sobra pa kay sa atong gipangayo (Is.55:7)

Dili makatarunganon nga mag- usik-usik kita, abi kay anaa kitay daghang ikasobra. Kinahanglan nga pundokon kini nato ug gamiton sa minatarong. Ang atong mga sobra, gasa sa Dios, ug kinahanglan nga ipaambit alang sa kaayohan sa tanang katawhan sa Dios.

Pamalandongi kini:

1. Andam ka ba magpaambit sa mga grasya ng gihatag sa Dios kanimo ngadto sa nanginahanglan? Malipayon ka ba sa pagbuhat niini?
2. Unsa man ang imong gipaambit ngadto sa imong isigkatawo: gikan ba sa imong sobra o gikan sa imong gikinahanglan?

BEC Activities

- July 2 - Cluster Fellowship
BEC Ilaya / Smo. Rosario
Cathedral Church
- July 16 - Parochial Fellowship
BEC Selda Alagad/President
Caraycaray Chapel
- July 17 - Parochial Fellowship
BEC Selda Alagad/ President
Smo. Rosario chCapel (Baybay)
- July 29 - Cluster Fellowship
BEC Atipolo Cluster
Atipolo Chapel
- July 30 - Fellowship
BEC Libtong Daku

Bishops lose friend and brother

With the death of Jaime L. Cardinal Sin, Archbishop Emeritus of Manila, the country’s Philippine Bishops have lost “a friend and brother.”

This sentiment was expressed in behalf of all the members of the Catholic Bishops’ Conference of the Philippines (CBCP) by its president, Archbishop Fernando R. Capalla of Davao, who said he learned of the Cardinal’s death just minutes after it happened, through a telephone call from Bishop Socrates Villegas of Bataan. Bishop Villegas, who had been the Cardinal’s private secretary for more than 20 years, was at the Cardinal’s bedside.

“The Catholic Bishops are saddened by the departure of friend and a brother,” Archbishop Capalla said in a statement released this afternoon. “Cardinal Sin was a great man, a great Filipino, a great prince of the Church. We are saddened that he left us. But we rejoice that he has entered into Real Life – one that never ends.”

Cardinal Sin, who at 39 was appointed Coadjutor Bishop of Jaro with right of succession on March 18, 1967, was the youngest ever to be a member of the CBCP. He officially took over the post of Bishop of Jaro in October 1972 at the age of 44.

Two years after, he was appointed Archbishop of Manila, and in 1976 was appointed Cardinal by Pope Paul VI.

In 1977, he was elected president of the CBCP for a two-year term, and re-elected to serve another term until 1981.

Source: www.rcam.org

BEC 2ND ANNIVERSARY

BEC Lar razabal
July 3, 2005

BEC Haguikhikan
July 13, 2005

BEC Atipolo (Basak, Etc)
July 28, 2005

LJC Rice Mill
Sitio Lupa, Calumpang
AND Groceries
Ground Floor, Naval Mall
Owned & Managed by:
Bong Bongabong